



# **Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten**

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1846**

MCCCXVII. König Siegmund citirt Hans von Quitzow in den Königlichen Hof,  
damit er sich wegen seines Ungehorsams in Betreff der dem Burggrafen  
Friedrich zu leistenden Huldigung verantworte, am 30. ...

---

---

**Nutzungsbedingungen**

[urn:nbn:de:hbz:466:1-56104](https://nbn-resolving.org/urn:nbn:de:hbz:466:1-56104)

gerett czu desselben vnfers gnedigen heren handen hat czu sine vnd Im getruvelich czu dienen on geuerde, vnd dorumb soll der egnante vnser gnediger here konig den egnanten Swager vnd Oheimen herczogen Bernharten, als lange er sin diener ist, alle Jar Jerlichen reichen vnd geben XV<sup>c</sup>. guter vngerfcher gulden vnd soll Im ouch die erste bezalung tun von dem nehstkomenen Sant Michels tage uber ein ganzes Jar vnd dornoch alle Jar Jerlichen vnd Im des sinen besigilten brief geben in der forme finer Cenzelerye vnd als man die andern fursten dienern vnd hosgefinde geben hat vnd gibet, und wenn Im derselbe vnfers heren konigs brieff wirdt, so sol dieser brieff furder vnmechtig sin vnd vns den von staden widergeben vnd Inantworten, on widerrede, on geuerde. Czu vrkund etc. datum Anno etc. XII, feria secunda ante Mathei.

Nach dem Eburmärk. Lehnecopialbuche des K. Geh. Kab., Archivs XV, 28.

MCCCXVII. König Siegmund citirt Hans von Quizow in den Königlichen Hof, damit er sich wegen seines Ungehorsams in Betreff der dem Burggrafen Friedrich zu leistenden Huldigung verantworte, am 30. Oct. 1412.

Wir Sigmund, von gotes gnaden Römischer König, czu allenn Zeiten mehrer des Reichs, vnd Zu Hungern, Dalmatien, Croatien etc. König vnd Marggraffe Zu Brandenburg, Entbieten Hanfen von Quizow vnser gnade, vnd thun dir kund mit diesen briefe, das vns vonwegen des Hochgebornen Friederichs, Burggraffens Zu Nurnberg, vnfers lieben Ohmen vnd fursten furbracht ist mitt Clage, Wiewoll wir in vnsern Obristen Heubtman vnd Vorwefer der Marcke zue Brandenburg gemacht vnd gefeczt haben, nach Inhalt vnserer briefe daruber gegeben, Vnd wiewoll du das von der Manne vnd Städte der vorgeantten Marcke Machtbotten, die vns als Ihren rechten Erbherrn von Ihr allerwegenn, des wir noch briefe haben, negest zu Ofen schwuren vnd huldunge thatten, vnd auch an den vorgeantten Vnsern briefen woll vernommen hast, vnd wir dir auch siederhero oft verschrieben, gebotten, vnd dich folcher treue vnd Eyde, die du vnns, als deinen rechten Erbherrn Pflichtig bist, ermahnet haben, den vorge. Friederich nach laut der vorge. vnserer briefe gehorsamb zue werden vnd zu sein, So habe das alles nicht geholffen, das vns sehr frembde von dir nimmet, Vnd darumb fordern wir, als dein rechter Erbherr, dich fur Vns, vnd gebietenn dir ouch ernstlich vnd veltiglich mitt diesem briefe, Das du dich vor Vnns in vnserm Hofe versprechen vnd verandtwortten sollest uf Sanct Anthonien Tagk, der schierft kumbtt, wo wir alzdann uf denselben Tagk sein werden, worumb du den vorgeantten Vnsern briefenn vnd gebottenn nichtt gehorsamb gewesen seist oder sein sollest; wann thetestu das nichtt, So wolten wir furbas darczu thuen, das sich gebuerett. Geben nach Christi geburt Vierzehenhundert Jahr vnd darnach in dem zwölfften Jahre, des negsten Sambstages vor allerheiligen Tagk, vnserer Reiche des Hungerischen in dem Sechs vnd zwanzigsten, Vnd des Römischen in dem andern Jahre.

Nach alter Copie. — Gleichlautende Citationen ergingen unter demselben Datum

- 2) an Wichard von Rochow
- 3) an Hans von Lichtenbagen
- 4) an Albert von Holzendorf
- 5) an Werner von Holzendorf
- 6) an Achim von Bredow
- 7) an Peter von Bredow.

MCCCXVIII. Burggraf Friedrich und Herzog Heinrich von Braunschweig verbinden sich mit der Altmark und Lüneburg auf 2 Jahre zu gegenseitigem Schutz, am 23. Nov. 1412.

Wir fridrich etc. Bekennen vnd tun kunt mit diesem brieue vor allen den, die In sehen oder horen leszen, daz wir vns mit dem hochgebornen fursten hern heinrich, herczog czu Brunswig vnd Lüneburg, vnsern lieben Swager, fruntlichen vereint vnd ein gutlich sten vbersprochen vnd vssgenommen haben, czwischen vns vnd der Alden Marck czu Brandenburg vnd allen den, die dorinne besessen sin, an eine syte, Im vnd der herschafft czu Lunburg vnd allen den, die dorinne wonhaftig sin, vff der andern syte, also daz vnser eins mit den andern vnd mit beden vnsern landen vnd luten der Alden Marck czu Brandenburg vnd der herschafft czu Lunburg fruntlichen vnd gutlichen sitzen sullen vnd wollen von gebung dises briues an bis nun czu Ostern nehst komende, vort vber ein Jare, vnd dornach verczehen tag vor usczefagen, vnd wir noch die vnsern noch Manne vnd Stete vnd vnderfassen der Alden Marcken sullen den vorgeschriben vnsern lieben Swager sine Manne vnd Stete vnd vnderfassen der herschafft Lüneburg bynnen diser vorgeschriben zyte nicht angreifen noch beschedigen oder beschedigen laszen an keynerley wise, vnd wir sullen noch vnd wellen wilsintlich vnd mit vorsatz in der Alden Marcke vnd Sloszen nymand hufen oder hegen vnd auch nymants durch die Slosz vnd lantwere geuerlichen durchlaszen, der ditz tete. Geschee aber daz doruber vnd diser fruntlicher sten also verbrochen wurde, von welchen teile daz geschee vnd die, die daz geton hetten, sullen daz verbulzen in fruntschafft oder in rechten bynnen den nechsten XIII tagen. Tete er des nit, so solde wir vnd der vorgnante vnser Swager des getulich by einander bliiben, vnser einer denn den andern darzu helfen, so lange daz der hantedige fruntschafft oder recht tete. Auch sullen wir Im vnd er vns widervmb die Strafzen in beden herrschaffen czu wasser vnd czu lande vnd den kouffmann, der sin czoll vnd geleite gibet vnd pflichte tut, trulichen helfen verteidingen vnd des auch trulichen by einander bliiben. Wer auch, daz wir vnser Manne Stete vnd vnderfassen von den aufz der herschafft czu lüneburg bynnen disen vorgeschriben fruntlichen sten angriffen vnd beschedigt wurden, vnd wir oder die vnsern den handtetigern volgten in die herschafft czu lüneburg vnd hilffe heischten czu den Amptluten, Sloszen, Steten vnd landen, so sullen sie vns von stund sunder verczug volgen vnd getulichen helfen vff die hanttedinger on argliste. Desglichen ob die vff der herschafft czu lüneburg bynnen disen vorgnanten fruntlichen sten aufz der Alde Marck von vnsern Mannen vnd vnderfassen angegriffen